



中国经典名著

唐宋名词精选

余敏立 編集

学苑音像出版社

目 录

菩萨蛮	1
鱼 子	2
忆江南	3
菩萨蛮	4
虞美人	5
浪淘沙	6
相见欢	7
乌夜啼	8
苏幕遮	9
渔家傲	10
蝶恋花	11
雨霖铃	12
江城子·密州出猎	13
水调歌头	14
念奴娇·赤壁怀古	16
蝶恋花	18
卜算子	19
鹊桥仙	20
鹧鸪天·西都作	21
如梦令	22
醉花阴	23
扬州慢	24
卜算子	26
酹江月·和友驿中言别	27
虞美人·听雨	29

声声慢	30
临江仙·夜登小楼记洛中旧游	32
满江红	33
卜算子·咏梅	35
诉衷情	36
武陵春	37
眼儿媚	38
摸鱼儿	39
魂奴儿·书博山道中壁	41
青玉案·元夕	42
永遇乐·京口北固亭怀古	43

菩萨蛮

唐·李白

平林漠漠烟如织，

寒山一带伤心碧。

暝色入高楼，

有人楼上愁。

王阶空伫立，

宿鸟归飞急。

何处是归程，

长亭更短亭。



鱼鸽子

唐·张志和

西塞山前白鹭飞，

桃花流水鳜鱼肥。

青箬笠，绿蓑衣，

斜风细雨不须归。



忆江南

唐·白居易

江南好，
风景旧曾谙。
日出江花红胜火，
春来江水绿如蓝，
能不忆江南。



菩萨蛮

敦煌曲子词

枕前发尽千般愿，
要休且待青山烂。
水面上秤锤浮，
直待黄河彻底枯。
白日参辰现，
北斗回南面，
休即未能休，
且待三更见日头。



虞美人

南唐·李煜

春花秋月何时了，
往事知多少。
小楼昨夜又东风，
故国不堪回首月明中。
雕阑玉砌应犹在，
只是朱颜改。
问君能有几多愁，
恰是一江春水向东流。



浪淘沙

南唐·李煜

帘外雨潺潺，
春意阑珊。
罗衾不耐五更寒。
梦里不知身是客，
一晌贪欢。
独自莫凭栏，
无限江山，
别时容易见时难。
流水落花春去也，
天上人间。



相见欢

南唐·李煜

无言独上西楼，
月如钩，
寂寞梧桐深院锁清秋。
剪不断，理还乱，
是离愁，
别是一般滋味在心头。



乌夜啼

南唐·李煜

林花谢了春红，
太匆匆，
无奈朝来寒雨晚来风。
胭脂泪，相留醉，
几时重，
自是人生长恨水长东。



苏幕遮

宋·范仲淹

碧云天，
黄叶地，
秋色连波，
波上寒烟翠。
山映斜阳天接水，
芳草无情，
更在斜阳外。
黯乡魂，
追旅思，
夜夜除非，
好梦留人睡。
明月楼高休独倚，
酒入愁肠，
化作相思泪。



渔家傲

宋·范仲淹

塞下秋来风景异，
衡阳雁去无留意。
四面边声连角起，
千嶂里，
长烟落日孤城闭。
浊酒一杯家万里，
燕然未勒归无计，
羌管悠悠霜满地。
人不寐，
将军白发征夫泪。



蝶恋花

宋·柳永

伫倚危楼风细细，

望极春愁，

黯黯生天际。

草色烟光残照里，

无言谁会凭栏意。

拟把疏狂图一醉，

对酒当歌，

强乐还无味。

衣带渐宽终不悔，

为伊消得人憔悴。



雨霖铃

宋·柳永

寒蝉凄切，
对长亭晚，
骤雨初歇。
都门帐饮无绪，
留恋处，兰舟摧发。
执手相看泪眼，
竟无语凝噎。
念去去千里烟波，
暮霭沈沈楚天阔。
多情自古伤离别，
更那堪冷落清秋节。
今宵酒醒何处，
杨柳岸、晚风残月。
此去经年，
应是良辰好景虚设。
便纵有千种风情，
更与何人说。



江城子·密州出猎

宋·苏轼

老夫聊发少年狂。

左牵黄，

右擎苍。

锦帽貂裘，

千骑卷平冈。

为报倾城随太守，

亲射虎，

看孙郎。

酒酣胸胆尚开张。

鬓微霜，

又何妨。

持节云中，

何日遣冯唐？

会挽雕弓如满月，

西北望，

射天狼！



水调歌头

宋·苏轼

丙辰中秋，欢饮达旦，大醉，作此篇，兼怀子由。

明月几时有？

把酒问青天。

不知天上宫阙，

今夕是何年。

我欲乘风归去，

又恐琼楼玉宇，

高处不胜寒。

起舞弄清影，

何似在人间！

转朱阁，

抵绮户，

照无眠。

